

coni, qui in crimine fornicationis jaceant, interdici-
mus eis ex Dei parte omnipotentis et sancti Petri
auctoritate introitum, usque dum pœniteant et
emendent. Si qui vero in peccato suo perseverare
maluerint, nullum vestrum eorum audire præsumat
officium, quia benedictio eorum vertitur in maledi-
ctionem, et oratio in peccatum, Domino testante
per prophetam : Maledicam, *inquit*, benedictionibus

vestris. Qui vero huic saluberrimo præcepto obedire
noluerint, idololatriæ peccatum incurrunt, Samuele
teste et beato Gregorio instruente : Peccatum ari-
landi est non obedire et scelus idololatriæ nolle
acquiescere. Peccatum igitur paganitatis incurrit
quisquis dum Christianum se asserit, sedi aposto-
licæ obedire contemnit.

CONCILIIUM ROMANUM II ⁽⁴²⁹⁾,

Pro reformanda Ecclesia celebratum anno Domini 1075.

(Apud MANS. *Concil.* XX, 443.)

Anno ab Incarnatione Domini (430) millesimo B
septuagesimo quarto, pontificatus vero Domini
Gregorii papæ (431) secundo, indictione 13, celebra-
vit ipse dominus Gregorius papa Romæ synodum a
sexto Kalendas Martii usque ad pridie Kalendas
(sequentis) præteriti mensis. Ubi interfuit archiepi-
scoporum, episcoporum et abbatum multitudo at-
que diversi ordinis clericorum et laicorum copia,
In qua inter cætera decreta quæ ibi gesta sunt,
quinque de familia regis Teutonicorum, quorum
consilio ecclesiæ venduntur (vendebantur), a limi-
nibus sanctæ Ecclesiæ separavit, ita ut si abinde
usque ad Kalendas Junii Romam non venirent et sa-
tisfacerent, excommunicati haberentur. Philippus
rex Francorum, si nuntiis papæ ad Gallias ituris
de satisfactione sua et emendatione securitatem non
fecerit, habeatur excommunicatus. Liemarum Bre-
mensium archiepiscopum pro inobedientia superbiæ
suæ ab episcopali officio suspendit, et a corpore et
sanguine Domini interdixit. Guarnerium Strazbur-
gensem ab episcopali et sacerdotali officio suspendit.
Henricum Spirensium suspendit. Henrimannum Bam-
bergensem, si ante Pascha non venerit satisfactu-
rus, similiter suspendit. Item in Longobardia Gui-
lielmum Papiensem et Cunibertum Taurinensem sus-
pendit. Dionysium Placentinum deposuit. Rober-
tum ducem Apuliæ jam anathematizatum, et Ro-
bertum de Loritello invasores honorum Sancti Pe-
tri, excommunicavit.

NOTÆ SEVERINI BINII.

Concilium. Ad reformandam Ecclesiæ disciplinam D

(429) In hoc concilio editum fuisse primum con-
tra investituras decretum docet Pagius ad ann.
Ch. 1075, n. 1 et seqq.

(430) Non a Natali Domini sed a die Annuntia-

Gregorius anno 1074 synodum indixit exordio Qua-
dragesimæ anni 1075 celebrandam, ad quam voca-
vit imprimis longius distantes Britannos episcopos
et abbates, Tullensemque episcopum de Simonia et
cohabitatione cum muliere, quam haberet ut conju-
gem, diffamatum. Isembertus Pictavensis episcopus,
qui per milites irruerat in episcopos causam ince-
stusosi comitis cognoscentes, eorumque quosdam ver-
beribus, quosdam contumeliis affecerat, ab officio
sensus, jussus est Romam venire, sicut etiam
Benno Osnaburgensis episcopus et abbas Corbeiensis
inter se litigantes. Citavit etiam Liemarum Bremen-
sem archiepiscopum ob causam supra enarratam.
Sigefridum Moguntinum archiepiscopum cum om-
nibus suis suffraganeis episcopis eidem synodo assi-
stere præsentem mandavit. Ab Henrico rege per lit-
teras petiit ut legatos ad synodum mittat, illosque
non audiat qui discordias inter se seminant. Cun-
ibertum Taurinensem episcopum, qui de invaso mo-
nasterio Sancti Angeli accusabatur, jussit etiam ad-
venire, sicut etiam Guilielmum Papiensem ob cau-
sam divortii inter Azonem et Mathildem. Hugonem
mitem, qui bona Taurinensis Ecclesiæ invaserat,
ad reddendam rationem citavit. Ea quæ supra de
Herimanni Bambergensis episcopi suspensione, et
Dionysii Placentini episcopi depositione, in Actis
synodalibus recensentur, inveniuntur etiam apud
Gregorium libri II, epistola 54 et 76, et libri tertii
epistola 3. In eadem synodo compositas fuisse
discordias inter Pragensem et Moravensem episco-
pos declarat Gregorii epistola 93 libri II. Constituta
synodalia per universum orbem promulgari manda-
vit, scriptisque ad sanctum Annonem Coloniensem
et Sigefridum Moguntinum episcopos epistolis vo-
luit ab iisdem congregatis in sua diocesi conciliis,
ea præcipue quæ de continentia clericorum et pra-
vitate Simoniaca corrigenda decreta et constituta
fuerant, promulgari. Baronius anno 1075, nu-
mero 10 et sequentibus.

tionis Virginis, et incarnationis Verbi numerans
annos, ut dictum est superius.

(431) Tertius autem incipit hoc anno, die 22
Aprilis.